

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-3850-1/20 od 06.07.2020. godine, te Odluka o izboru najpovoljnijeg ponuđača Direktorice J.U. Zavoda za javno zdravstvo Kantona Sarajevo, broj: 05.12.100-3850-Odluka o izboru/20 od 23.07.2020.godine, kojom je prihvaćena Ponuda ponuđača **BIOSISTEMI d.o.o. Sarajevo**, kao najbolje ocijenjena ponuda, za potrebe J.U. Zavod za javno zdravstvo Kantona Sarajevo, zaključuje se između:

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa, Prof. dr. med. sci Aida Pilav direktor (u daljem tekstu: Ugovorni organ)

i
BIOSISTEMI d.o.o. Sarajevo ul. Dajanli Ibrahim bega 16, identifikacioni broj: 4201648160003 koga zastupa direktor: Armin Žiga, (u daljem tekstu: Dobavljač), zaključili su:

UGOVOR ZA NABAVKU, ISPORUKU, INSTALACIJU I PUŠTANJE U RAD ROBE-PRATEĆA OPREMA ZA PCR Applied Biosystems StepOnePlus™ Real time PCR

I PREDMET UGOVORA

Član 1.

Predmet ovog Ugovora je **nabavka, isporuka i instalacija i puštanje u rad - PRATEĆE OPREME ZA PCR Applied Biosystems StepOnePlus™ Real time PCR**, koje su navedene u Tenderskoj dokumentaciji za nabavku roba Ugovornog organa, broj: 05.12.100-3850-1/20, kao i u Ponudi broj: 20-010-000288 , koje čine sastavni dio ovog Ugovora.

Član 2.

PRATEĆU OPREMU ZA PCR Applied Biosystems StepOnePlus™ Real time PCR (u daljnjem tekstu: roba), Dobavljač je dužan isporučiti u skladu sa zahtjevima iz tenderske dokumentacije.

III CIJENA I NAČIN PLAĆANJA

Član 3.

Ukupna vrijednost ugovorene robe definisane u članu 1. ovog Ugovora iznosi: 45.120,00 KM bez PDV-a, odnosno 52.790,40 KM sa PDV-om.
Cijena je fiksna i ne podliježe nikakvim promjenama za vrijeme trajanja Ugovora.

Ugovorni organ se obavezuje da će ukupni iznos iz stava 1. ovog člana isplatiti na račun Dobavljača broj: 3386902236055755 otvoren kod Unicredit Bank d.d.

Član 4.

Ugovorne strane su saglasne da će Ugovorni organ ukupnu vrijednost iz člana 3. stav 1. ovog Ugovora isplatiti u roku od 30 dana od dana nabavke, isporuke, instalacije i puštanje u rad robe, ako prilikom primopredaje Ugovorni organ nema primjedbi na isporučenu robu.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. 20-010-000288, Ugovorni organ se obavezuje da će isplatu izvršiti, nakon što Dobavljač otkloni nedostatke konstatovane u Zapisniku o primopredaji roba iz člana 8. stav 1. ovog Ugovora.

IV ROK I MJESTO ISPORUKE

Član 5.

Dobavljač se obavezuje da će robu iz člana 1. ovog Ugovora, isporučiti, instalirati i pustiti u rad najkasnije u roku od 30 (trideset) kalendarskih dana od dana obostranog potpisivanja Ugovora, na adresu Ugovornog organa: ul. dr. Mustafe Pintola 1/III Ilidža.

Član 6.

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

Član 7.

Ukoliko Dobavljač svoje obaveze, zbog dejstva više sile ili nastanka nepredviđenih okolnosti, ne može ispuniti u periodu od 60 dana, Ugovorni organ ima pravo na raskid Ugovora.

V KVALITET ROBE

Član 8.

Dobavljač se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 20-010-000288, a koju je Ugovorni organ odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Dobavljača i Ugovornog organa.

Primopredaju robe između Dobavljača i Ugovornog organa izvršit će ovlašteni predstavnici Dobavljača i Ugovornog organa.

O navedenoj primopredaji robe sačinjit će se Zapisnik o primopredaji, odmah, a najkasnije u roku od 24 sata, od prijema robe, koji će potpisati ovlašteni predstavnici Dobavljača i Ugovornog organa.

Član 9.

Sva eventualna odstupanja i nedostatci, prilikom primopredaje robe, konstatovat će se Zapisnikom o primopredaji robe.

Dobavk se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od 15 dana, od dana potpisivanja navedenog Zapisnika.

Ako u navedenom roku Dobavljač ne otkloni primjedbe konstatovane Zapisnikom o primopredaji robe, Ugovorni organ zadržava pravo da raskine Ugovor.

VI OBAVEZE DOBAVLJAČA I UGOVORNOG ORGANA

Član 10.

Dobavljač se obavezuje:

- da će ugovorene obaveze izvršiti blagovremeno, u ugovorenom roku, stručno i
- da će nabaviti, isporučiti, instalirati i pustiti u rad robu, kao i izvršiti neophodnu pripremu mjesta instaliranja robe, a prema specifikaciji nabavke i to u roku do 30 (trideset) kalendarskih dana od obostranog potpisivanja Ugovora;
- da će snositi odgovornost za štetu u toku izvršenja ugovora nastalu radnicima Prodavca ili trećim licima,
- da će posebno obrati pažnju da prilikom isporuke robe, ne nanese štetu unutar prostora ili susjednih prostora, a ukoliko se ista desi, da će je otkloni o vlastitom trošku;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Ugovornog organa;
- da će prilikom primopredaje roba iz člana 1. ovog Ugovora, Ugovornom organu predati garantne listove za ponuđenu robu iz tehničke specifikacije.

Član 11.

Ugovorni organ se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;

- da će pismeno obavijestiti Dobavljač o svakom eventualnom propustu Prodavca u odnosu na pitanja utvrđena ovim Ugovorom.

VII GARANTNI ROK

Član 12.

Za isporučenu robu važi garancije proizvođača robe, s tim što je Dobavljač dužan da svu dokumentaciju o garancijama proizvođača robe, pribavi i preda Ugovornom organu, zajedno sa uputstvima za njihovu upotrebu.

Garantni rok od 12 (dvanaest) mjeseci počinje teći od dana kompletne isporuke, instalacije i puštanja u rad robe.

Član 13.

Dobavljač snosi odgovornost za sve manjkavosti, odnosno nedostatke vezano za isporučenu robu, koje se mogu javiti ili nastati tokom garantnog perioda, pod uslovom da se roba koristi i održava u skladu sa uputstvima za njenu upotrebu i sa preporukama Dobavljača.

VIII UGOVORNA KAZNA I RASKID UGOVORA

Član 14.

Ukoliko Dobavljač ne izvrši svoje obaveze u ugovorenom roku, dužan je da, Ugovornom organu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

Član 15.

Ukoliko isporuka kasni duže od 60 dana, Ugovorni organ zadržava pravo jednostranog raskida Ugovora.

Razlog za raskid Ugovora može biti stečaj, likvidacija ili drugi oblik prestanka postojanja Dobavljač ili više sile.

Član 16.

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

IX PRIJELAZNE I ZAVRŠNE ODREDBE

Član 17.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 18.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

Član 19.

Ovaj Ugovor stupa na snagu danom njegovog potpisivanja od strane ovlaštenih predstavnika Dobavljača i Ugovornog organa, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 20.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 4 (četiri) potpisana i ovjerena primjerka.

**BIOSISTEMI d.o.o.
SARAJEVO
DIREKTOR**



(Armin Žiga)

Broj: 140-Uu-2020
Sarajevo, 4.8.2020

**J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA**



(Prof.dr.med.sci. Aida Pilav)

Broj: 05.12.100-3850-Ugovor/20
Sarajevo, 03.07.2020. godine